

LE CUR AR AIS TRÁTH NACH DÉANAÍ NÁ an 2 Bealtaine 2012

1. Achoimre ar an bPríomh-Dhul Chun Cinn a baineadh amach sa Tréimhse 12 Mhí ón 1 Aibreán 2011 go dtí an 31 Márta 2012

- Laghdú déanta ar an líon fostaithe i gcomhréir leis na ceanglais faoin gCreat Rialaithe Fostaíochta
- Cinnteoireacht a chineadh ón Rannán Stiúrtha chuig an Rannóg Cúirte Dúiche ag leanúint ar aghaidh agus déileáladh le 64 chomhad sa tréimhse atá á athbhreithniú.
- Cinnteoireacht a chineadh ón Rannán Stiúrtha chuig an Rannóg Athbhreithnithe Bhreithiúnaigh ag leanúint ar aghaidh agus déileáladh le 156 athbhreithniú breithiúnach sa tréimhse atá á athbhreithniú.
- Tús curtha le cinnteoireacht a chineadh ón Rannán Stiúrtha chuig an Aonad Urghabhála Sócmhainní agus déileáladh le 19 iarratas Alt 39 sa tréimhse atá á athbhreithniú.
- Laghdú tuairim is €1,513,285 ar chostais dlí arna n-íoc i rith na tréimhse atá faoi athbhreithniú i gcomparáid leis an tréimhse chéanna in 2010/2011.
- Mar thoradh ar uathobriú an chórais táillí, tá 99% de na táillí atá dlite d'abhcóidí ionchúisimh i ndáil le Bannaí Ard-Chúirte agus Trialacha Coiriúla Chúirt Chuarda Bhaile Átha Cliath á n-íoc laistigh de 60 lá ó thráth na héisteachta bunaidh
- Baineadh leas as barainneachtaí tríd an tSeirbhís Náisiúnta Soláthair i ndáil le 10 gconradh a rinneadh ó bhí R1 2012 ann

Tuarascáil ar Dhul Chun Cinn faoi Chomhaontú na Seirbhíse Poiblí 2010-2014 (Comhaontú Pháirc an Chrócaigh)

2. Uasdátú Mionsonraithe ar Dhul Chun Cinn do na 12 mhí ón 1 Aibreán 2011 go dtí an 31 Márta 2012

1. Bainistiú níos fearr a dhéanamh ar acmhainní daonna: *I measc na ngníomhartha faoin gceannnteideal seo áirítear, mar shampla, laghduithe ar an líon foirne, athlonnú daoine den fhoireann chuig na réimsí is mó riachtanas; athstruchtúrú/athchumraíocht maidir le soláthar seirbhísí; athruithe ar chleachtais oibre; athbhreithniú ar shocruithe tinrimh; bainistiú ar asláithreacht; bainistiú feidhmíochta etc.*

Téarmaí Chomhaontú na Seirbhíse Poiblí 2010-2014	Gníomh	Spriocdháta de réir an Phlean Gníomhaíochta Reatha	An Staid Reatha
1.5 4.3 4.4	Laghdú iomlán ar Líon na bhFostaithe	Bainte amach ó 1 Aibreán 2011 go 31 Márta 2012	Líon amhail ag deireadh R1 2011 = 198 FTE Costais phárolla do R1 2011 = €3,499,180 (13 phrárolla sheachtainiúla + 7 bpárolla choicisiúla) Líon amhail ag deireadh R1 2012 = 190.79 FTE Costais phárolla do R1 2012 = €3,514,788 (13 phrárolla sheachtainiúla + 7 bpárolla choicisiúla)

2. Próisis Ghnó Níos Fearr: *I measc na ngníomhartha faoin gceannnteideal seo áirítear, mar shampla, bearta chun éifeachtúlacht agus táirgeacht a mhéadú; réasúnú a dhéanamh ar chroí-struchtúir, ar phróisis ghnó, ar riachtanais chóiríochta etc; cur chuige a bhunú maidir le seirbhísí comhroinnte, foirne trasfheidhme/struchtúir nua oibre a bhunú, an úsáid is mó is féidir a bhaint as an bpoitéinseal a ghabhann teicneolaíocht nua chun sruthlíniú a dhéanamh ar oibríochtaí agus barainneachtaí a ghiniúint etc.*

Téarmaí Chomhaontú na Seirbhíse Poiblí 2010-2014	Gníomh	Spriocdháta de réir an Phlean Gníomhaíochta Reatha	An Staid Reatha
1.10	Cinnteoireacht ionchúisitheach i gcatagóirí sonracha ciona a chineachadh ón Rannán Stiúrtha chuig an Rannóg Cúirte Dúiche	Leanúnach	<p>Faoin scéim cineachta agus sa tréimhse atá faoi athbhreithniú, dhéileáil an Rannóg Cúirte Dúiche le 64 chomhad ó na Gardaí i gCeantar Cathrach Bhaile Átha Cliath sa chatagóir shonrach ciona.</p> <p>Is é a lean as an athstruchtúrú sin ar na próisis oibre ná deireadh a chur le dúblú saothair sa dá Rannán dhlíthiúla den Oifig i ndáil leis na cásanna sin. Bhí sábháil ama ann dá bharr freisin don fhoireann sa Rannán Stiúrtha, rud a raibh gá leis chun déileáil leis an líon méadaithe comhad a ndéileáiltear leo sa Rannán sin, le castacht mhéadaithe na gcásanna, le cur chun feidhme beartas nua agus réimsí nua freagrachta, agus le tionchar reachtaíochta nua ar obair an Rannáin</p>
1.10	Cinnteoireacht maidir le bainistiú comhad athbhreithnithe bhreithiúnaigh a chineachadh	Leanúnach	<p>Sa tréimhse atá faoi athbhreithniú, tugadh treoir maidir le 156 comhad sa Rannóg Athbhreithnithe Bhreithiúnaigh gan iad a tharchur chuig an rannán Stiúrtha. B'ionann líon na gcomhad feidhme tarmligthe agus 54% de na comhaid uile a osclaíodh sa Rannóg Athbhreithnithe Bhreithiúnaigh.</p> <p>Is é a lean as an athstruchtúrú sin ar an obair ná deireadh a chur le dúblú saothair i Rannán na nAturnaetha agus sa Rannán Stiúrtha i ndáil leis na cásanna sin; táirgeacht mhéadaithe sa rannóg Athbhreithnithe Bhreithiúnaigh sa mhéid go ndéileáiltear le comhaid athbhreithnithe bhreithiúnaigh laistigh de thréimhse ama níos giorra; sábháil ama cúirte trí laghdú a dhéanamh ar líon na ndátaí cúirte; agus laghdú ar chostais.</p>

Téarmaí Chomhaontú na Seirbhíse Poiblí 2010-2014	Gníomh	Spriocdháta de réir an Phlean Gníomhaíochta Reatha	An Staid Reatha
1.10	Cinnteoireacht maidir le bainistiú cásanna urghabhála sócmhainní a chineachadh	Leanúnach	<p>Tar éis don Stiúrthóir an fheidhm tharmligthe a shíniú agus tar éis athchumraíocht a dhéanamh ar ár gCóras Bainistithe Cásanna mar thacaíocht leis sin, tháinig cineachadh cinnteoireachta chuig an Aonad Urghabhála Sócmhainní i bhfeidhm ar an 1 Lúnasa 2011.</p> <p>Baineann an cineachadh le hiarratais ón Stiúrthóir chuig an gCúirt Chuarda faoi Alt 39 den Acht um Cheartas Coiriúil 1994 chun coigistiú a dhéanamh ar airgead tirim ar fáiltais ó choireacht é. Roimh an gcineachadh, ba é an fhoireann dlí i Rannán Stiúrtha na hOifige a rinne cinntí ionchúisitheacha sna cásanna sin. Ón 1 Lúnasa 2011 i leith, tá gach cinneadh den sórt sin á dhéanamh ag an bhfoireann san Aonad Urghabhála Sócmhainní i Rannán Aturnaetha na hOifige a dhéanann idirchaidreamh leis an nGarda Síochána, le hAturnaetha Stáit agus le hOifig na gCoimisinéirí Ioncaim. Sa tréimhse sin, dhéileáil an tAonad Urghabhála Sócmhainní le 19 iarratas.</p> <p>De bharr an athstruchtúraithe sin ar an bpróiseas oibre, tá deireadh curtha le dúblú saothair sa dá Rannán Dlí de chuid na hOifige agus bhí sábháil ama ann i gcás na foirne sa Rannán Stiúrtha. Is é a lean as freisin ná bunú pointe amháin teagmhála i gcomhair gach iarratas Alt 39, lárnú seirbhísí do gheallsealbhóirí, agus cruthú deise don fhoireann san Aonad chun speisialtóireacht a fhorbairt sa réimse áirithe seo den obair.</p>
1.11 4.13 4.15	Ardán daingean a thógáil le haghaidh seirbhíse comhroinnte laistigh den earnáil Leabharlainne Rialtais i bhfoirm Catalóige Aontais.	Seoladh an tionscadail i R1 2011 agus tabhairt isteach incriminteach le bheith ann chuig gach leabharlann rannpháirteach faoi R4 2011	Seoladh an Chatalóg Aontais agus scaipeadh ar na leabharlanna rannpháirteacha í i R1 2012.

Téarmaí Chomhaontú na Seirbhíse Poiblí 2010-2014	Gníomh	Spriocdháta de réir an Phlean Gníomhaíochta Reatha	An Staid Reatha
<p>1.10 1.11 4.13 4.15</p>	<p>Leas a bhaint as éifeachtúlacht agus as barainneachtaí scála atá ar fáil mar thoradh ar sheirbhísí agus earraí a fháil tríd an tSeirbhís Náisiúnta Soláthair</p>	<p>Leanúnach ón 1 Eanáir 2012</p>	<p>Bhain Oifig an DPP leas as éifeachtúlacht agus as barainneachtaí scála a d'éirigh as conarthaí a rinne an tSeirbhís Náisiúnta Soláthair i ndáil le ceannach earraí agus seirbhísí.</p> <p>I R1 2012, baineadh leas as deich (10) gconradh den sórt sin thar raon earraí/seirbhísí, lena n-áirítear soláthar gáis agus leictreachais, seirbhísí fón póca, taisteal coigríche agus soláthairtí staiseanóireachta agus oifige.</p>
<p>1.10</p>	<p>Scrúdú a dhéanamh i dtaobh feabhsuithe ar phróisis ghnó, ar feabhsuithe iad a d'fhéadfaí a dhéanamh mar thoradh ar aistriú roinnt rannóg de chuid na seirbhíse ionchúisimh chuig cóiríocht nua oifige ar Bhóthar na hOtharlainne.</p>	<p>Tá an tionscnamh le tosú sa 3^ú Ráithe de 2012</p>	<p>Níor tosaíodh an tionscnamh fós.</p>

3. Seirbhísí a Sholáthar do Shaoránaigh: *I measc na ngníomhartha faoin gceannnteideal seo áirítear, mar shampla, bearta chun feabhas a chur ar an tseirbhís a sholáthraítear don phobal, lena n-áirítear athruithe ar an teicneolaíocht a úsáidtear, tuilleadh seirbhísí ar líne, comhtháthú seirbhíse, iarrachtaí chun laghdú a dhéanamh ar ualaí faisnéise ar shaoránaigh trí bhainistiú/chomhroinnt níos fearr a dhéanamh i ndáil le sonraí, lena n-áirítear nithe a bhaineann le céannacht etc*

Téarmaí Chomhaontú na Seirbhíse Poiblí 2010-2014	Gníomh	Spriocdháta de réir an Phlean Gníomhaíochta Reatha	An Staid Reatha
<p>1.10</p> <p>4.13</p>	<p>Tá cur chun feidhme i ndáil le táillí Príomh-Chúirte Coiriúla le tosú i R2 2011 de réir an spriocdháta</p> <p>Tá athbhreithniú déanta ar uathoibriú táillí</p>	<p>Déanfar cur chun feidhme i ndáil le táillí Príomh-Chúirte Coiriúla a thosú i R2</p> <p>Tá athbhreithniú déanta ar uathoibriú táillí</p>	<p>Cuireadh tús le hobair tástála sreafaí oibre na Príomh-Chúirte Coiriúla le linn R2 2011. I R3 leasaíodh na sreafaí oibre chun déileáil le saincheistanna a nochtadh mar thoradh ar an tástáil tosaigh agus rinneadh tástáil iomlán a chríochnú maidir leis na hidirbhearta go léir sa tréimhse ó Bhealtaine go dtí Iúil. Bhí feidhmiú beo le críochnú i R4. Ach thóg sé níos faide ná mar a bhíodhas ag ceapadh ar dtús chun rith comhuaineach agus tástáil inghlacthachta a chur i gcrích. Is é atá sa spriocam anois chun tús a chur le feidhmiú beo ná deireadh R2 2012.</p> <p>Rinneadh athbhreithniú go leanúnach ar fócaíochtaí sreafa oibre ar fud na tréimhse. Mar thoradh air sin, rinneadh an sreabhadh oibre sin a mhínscaigh agus a leasú de réir mar ba ghá. Tá na sreafaí oibre go hiomlán i bhfeidhm anois. De réir an athbhreithnithe ráithiúla is déanaí, taispeántar, i gcás inar cuireadh sreafaí oibre chun feidhme, go ndéantar 90% de na táillí atá dlite a íoc laistigh de 60 lá ó thráth na héisteachta bunaidh. I gcomparáid leis an bhfigiúr sin, bhí 88% de na táillí sin á n-íoc, faoin seanchóras, laistigh de 3 mhí ó thráth na héisteachta bunaidh.</p>
<p>1.10</p>	<p>Beartas docht Socraithe Costas a chur chun feidhme</p>	<p>Leanúnach</p>	<p>Sa tréimhse atá faoi athbhreithniú, d'íoc Oifig an DPP €2,886,155 mar chostais i leith 186 chás. Sa tréimhse chéanna an bhliain roimhe seo [1 Aibreán 2010 go 31 Márta 2011], d'íoc Oifig an DPP €4,399,440 mar chostais i leith 204 chás. Tharla an laghdú sin ar chostais go háirithe mar gheall ar chur chun feidhme beartais dhocht socraithe costas ag an Oifig seo (cé nárbh é sin amháin ba chúis leis). Is é atá i gceist leis an</p>

Téarmaí Chomhaontú na Seirbhíse Poiblí 2010- 2014	Gníomh	Spriocdháta de réir an Phlean Gníomhaíochta Reatha	An Staid Reatha
			<p>mbeartas sin ná go ndéanann an Oifig caibidlíocht leis an gcosaint in iarratais ar athbhreithniú breithiúnach i gcás ina gcinntear nach féidir cur i gcoinne an iarratais ar athbhreithniú breithiúnach, ionas gur socraíocht maidir le costais na cosanta a chomhaontú ag leibhéal i bhfad níos ísle. Sa tréimhse atá faoi athbhreithniú, socraíodh 57% de na cásanna ag leibhéal níos ísle ná €10,000 agus CBL san áireamh. De bhreis ar laghdú a dhéanamh ar na méideanna a íocadh mar chostais, is é a lean as an mbeartas seo freisin ná sábháil ama cúirte trí laghdú a dhéanamh ar an líon na ndátaí agus na n-éisteachtaí cúirte.</p>